



## **IZVJEŠTAJ O FINANSIJSKOJ REVIZIJI**

### **FEDERALNOG MINISTARSTVA TRGOVINE**

**za 2016.godinu**

Broj: 06-11/17

Sarajevo, maj 2017. godine



**SADRŽAJ**

<b>I</b>	<b>MIŠLJENJE REVIZORA .....</b>	<b>1</b>
1.	<b>MIŠLJENJE O FINANSIJSKIM IZVJEŠTAJIMA .....</b>	<b>1</b>
2.	<b>MIŠLJENJE O USKLAĐENOSTI .....</b>	<b>2</b>
<b>II</b>	<b>KRITERIJI ZA REVIZIJU.....</b>	<b>3</b>
<b>III</b>	<b>IZVJEŠTAJ O REVIZIJI.....</b>	<b>4</b>
1.	<b>UVOD .....</b>	<b>4</b>
2.	<b>PREDMET, CILJ I OBIM REVIZIJE .....</b>	<b>4</b>
3.	<b>PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA .....</b>	<b>4</b>
4.	<b>SISTEM INTERNIH KONTROLA.....</b>	<b>5</b>
5.	<b>OBAVLJANJE POSLOVA IZ NADLEŽNOSTI.....</b>	<b>7</b>
6.	<b>PLANIRANJE, DONOŠENJE BUDŽETA I IZVJEŠTAVANJE .....</b>	<b>6</b>
7.	<b>FINANSIJSKI IZVJEŠTAJI.....</b>	<b>7</b>
7.1	<b>GODIŠNJI IZVJEŠTAJ O IZVRŠENJU BUDŽETA.....</b>	<b>7</b>
7.1.1	Rashodi, izdaci i finansiranje.....	7
7.1.1.1	Plaće i naknade troškova zaposlenih .....	7
7.1.1.2	Izdaci za materijal, sitan inventar i usluge.....	8
7.1.1.3	Tekući transferi i drugi tekući rashodi .....	9
7.1.1.4	Izdaci za nabavku stalnih sredstava.....	10
7.2	<b>BILANS STANJA.....</b>	<b>10</b>
7.2.1	Gotovina, kratkoročna potraživanja, razgraničenja i zalihe.....	10
7.2.2	Stalna sredstva .....	10
7.2.3	Kratkoročne obaveze.....	10
8.	<b>JAVNE NABAVKE.....</b>	<b>10</b>
9.	<b>KOMENTAR .....</b>	<b>12</b>
<b>IV</b>	<b>PRILOG GODIŠNJI FINANSIJSKI IZVJEŠTAJI.....</b>	<b>13</b>
	<i>Godišnji izvještaj o izvršenju Budžeta za 2016. godinu.....</i>	<i>15</i>
	<i>Bilans stanja na dan 31.12.20gg. godine .....</i>	<i>18</i>





## I MIŠLJENJE REVIZORA

Mišljenje revizora se daje na osnovu provedene finansijske revizije koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija iskazanih u finansijskim izvještajima sa zakonskim i ostalim propisima.

### 1. MIŠLJENJE O FINANSIJSKIM IZVJEŠTAJIMA

#### *Uvod*

Izvršili smo reviziju finansijskih izvještaja **Federalnog ministarstva trgovine za 2016. godinu** koji obuhvataju Račun prihoda i rashoda, Bilans stanja, Izvještaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaja o izvršenju budžeta i Analizu izvršenja budžeta – tekstualni dio.

#### *Odgovornost rukovodstva za finansijske izvještaje*

Rukovodstvo **Federalnog ministarstva trgovine** odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, koji je definisan Zakonom o budžetima u FBiH, Uredbom o računovodstvu budžeta u FBiH, Pravilnikom o knjigovodstvu budžeta u FBiH, Pravilnikom o finansijskom izvještavanju i godišnjem obračunu budžeta u FBiH i Zakonom o računovodstvu i reviziji u FBiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze usljed prevare ili greške.

#### *Odgovornost revizora*

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija u FBiH i primjenjivim Međunarodnim standardima vrhovnih revizorskih institucija (ISSAI 1000-1810). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji **Federalnog ministarstva trgovine** ne sadrže značajne pogrešne iskaze. Revizija uključuje obavljanje postupaka u cilju pribavljanja revizorskih dokaza o iznosima i objavama u finansijskim izvještajima. Izbor postupka je zasnovan na prosuđivanju revizora, uključujući procjenu rizika značajnog pogrešnog prikazivanja u finansijskim izvještajima usljed prevare ili greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja, u cilju odabira revizorskih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja. Revizor takođe ocjenjuje finansijsko upravljanje, funkciju interne revizije i sistem internih kontrola.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

#### *Pozitivno mišljenje*

Prema našem mišljenju, finansijski izvještaji **Federalnog ministarstva trgovine**, prikazuju fer i istinito, u svim materijalnim aspektima, stanje imovine, obaveza i izvora sredstava na dan 31.12.2016. godine, izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.



## 2. MIŠLJENJE O USKLAĐENOSTI

### *Uvod*

Izvršili smo i reviziju usklađenosti aktivnosti, finansijskih transakcija i informacija iskazanih u finansijskim izvještajima **Federalnog ministarstva trgovine za 2016. godinu**, sa značajnim zakonima i drugim propisima.

### *Odgovornost rukovodstva za usklađenost*

Pored odgovornosti za pripremu i fer prezentaciju finansijskih izvještaja, rukovodstvo **Federalnog ministarstva trgovine** je takođe odgovorno da osigura da su aktivnosti, finansijske transakcije i informacije iskazane u finansijskim izvještajima u skladu sa propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje sredstava odobrenih budžetom institucije za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### *Odgovornost revizora*

Reviziju usklađenosti smo izvršili u skladu sa Zakonom o reviziji institucija u FBiH i ISSAI 4000-Standardi za reviziju usklađenosti<sup>1</sup>. Pored gore navedene odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije iskazane u finansijskim izvještajima, u svim materijalnim aspektima, u skladu sa zakonima i drugim propisima kojima su regulisane. Ova odgovornost uključuje obavljanje procedura kako bi pribavili revizijske dokaze o tome da li je poslovanje **Federalnog ministarstva trgovine** za 2016. godinu prema definisanim kriterijima, usklađeno sa zakonima i drugim propisima.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

### *Pozitivno mišljenje*

Prema našem mišljenju aktivnosti, finansijske transakcije i informacije prikazane u finansijskim izvještajima **Federalnog ministarstva trgovine** za 2016. godinu u skladu su, u svim materijalnim aspektima, sa zakonima i drugim propisima kojima su regulisane.

Sarajevo, 17.05.2017. godine

ZAMJENIK GENERALNOG REVIZORA  
Dragan Kolobarić, dipl.oec.

GENERALNI REVIZOR  
Dževad Nekić, dipl.oec.

---

<sup>1</sup> Novi ISSAI 4000 je usvojen u decembru 2016. godine i zamjenjuje ISSAI 4000, 4100 i 4200.



## II KRITERIJI ZA REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi, reviziju finansijskih izvještaja i reviziju usklađenosti. Revizija usklađenosti u okviru finansijske revizije podrazumijeva proces objektivnog prikupljanja i procjenjivanja dokaza kako bi se utvrdilo da li su dati predmet revizije, tj. finansijski izvještaji kao i aktivnosti, finansijske transakcije i informacije prikazane u finansijskim izvještajima usklađeni sa odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Kriteriji za reviziju finansijskih izvještaja su sljedeći:

- Zakon o budžetima u FBiH;
  - Uredba o računovodstvu budžeta u FBiH;
  - Pravilnik o knjigovodstvu budžeta u FBiH;
  - Pravilnik o finansijskom izvještavanju i godišnjem obračunu budžeta u FBiH;
- Zakon o računovodstvu i reviziji FBiH.

Kriterij za reviziju usklađenosti su sljedeći:

- Zakon o izvršavanju Budžeta FBiH za 2016. godinu;
- Budžet FBiH za 2016. godinu;
- Zakon o trezoru u FBiH;
- Zakon o javnim nabavkama;
- Zakon o državnoj službi u FBiH;
- Zakon o namještenicima u organima državne službe u FBiH;
- Zakon o platama i naknadama u organima vlasti FBiH;
- Zakon o porezu na dohodak;
- Zakon o doprinosima.



### III IZVJEŠTAJ O REVIZIJI

#### 1. UVOD

**Federalno ministarstvo trgovine** (u daljem tekstu Ministarstvo) osnovano je u skladu sa Zakonom o federalnim ministarstvima i drugim tijelima federalne uprave<sup>2</sup>. Ministarstvo vrši upravne, stručne i druge poslove iz nadležnosti Federacije BiH koji se odnose na: trgovinu, funkcionisanje jedinstvenog tržišta, utjecaj privrednog sistema i privredne politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom. Unutrašnja organizacija i način rada Ministarstva utvrđeni su Pravilnikom o unutrašnjoj organizaciji na koji je Vlada FBiH dala saglasnost 06.11.2012. godine i na izmjene istog 26.09.2013.godine.

Pravilnikom o unutrašnjoj organizaciji Ministarstva, uređen je način rada i rukovođenja Ministarstvom, te opis radnih mjesta službenika i namještenika. Istim su sistematizovana radna mjesta za 47 izvršioaca, a na dan 31.12.2016. godine u Ministarstvu su bila 32 zaposlena (18 državnih službenika i 14 namještenika). Budžet za 2016. godinu planiran je za 37 zaposlenika.

Ministarstvom rukovodi ministar Zlatan Vujanović, koji je imenovan 28.10.2015. godine.

Sjedište Ministarstva je u Mostaru, u ulici Dr. Ante Starčevića bb.

#### 2. PREDMET, CILJ I OBIM REVIZIJE

Predmet revizije su finansijski izvještaji Federalnog ministarstva trgovine za 2016. godinu i usklađenost aktivnosti, finansijskih transakcija i informacija iskazanih u finansijskim izvještajima sa značajnim zakonima i drugim propisima.

Cilj finansijske revizije je da na osnovu provedene revizije izrazi mišljenje da li su finansijski izvještaji pouzdani i dali bilanci u potpunosti odražavaju rezultate izvršenja budžeta. Revizijom će se procijeniti da li rukovodstvo Ministarstva primjenjuje zakone i propise i koristi sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu sa internim planskim dokumentima revizije, u periodu od novembra 2016. godine do marta 2017. godine, sa prekidima.

Obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sustavu internih kontrola, postoji mogućnost da pojedine materijalno značajne greške mogu ostati neotkrivene.

#### 3. PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA

U Izvještaju o izvršenoj reviziji za 2015. godinu dato je mišljenje sa rezervom. Ministarstvo je postupilo u skladu sa članom 16. Zakona o reviziji institucija u FBiH i Ured obavjestilo o poduzetim aktivnostima na realizaciji datih preporuka u cilju prevazilaženja nepravilnosti identifikovanih u navedenom revizorskom izvještaju. Revizijom je konstatovano da se po pitanju pojedinih preporuka nisu poduzele odgovarajuće mjere u skladu sa planiranim aktivnostima.

Uvidom u poduzete aktivnosti, te analizom realizacije datih preporuka utvrdili smo sljedeće:

##### **Realizovana preporuka:**

- 1) Ministarstvo je sačinilo Izvještaj o implementaciji akcionog plana i realizacije projekta „Razvoj trgovine i domaćeg tržišta u Federaciji BiH 2012. – 2015.“, koji je Vlada FBiH zaključkom usvojila u decembru i kojim je Federalno ministarstvo trgovine zaduženo da Vladi FBiH predloži Rješenje o

---

<sup>2</sup> Sl. novine FBiH br.19/03, 38/05, 08/06 i 61/06



formiranju interresorne radne grupe za izradu Akcionog plana za realizaciju projekta „Razvoj trgovine i domaćeg tržišta u FBiH“ za period 2016. – 2019.godine.

### **Djelimično realizovane preporuke:**

- 1) U junu 2016. godine Vladi FBiH upućen je Pravilnik o unutrašnjoj organizaciji i sistematizaciji. Po usvajanju istog, a prema sistematizovanim radnim mjestima trebalo se pristupiti izmjenama Pravilnika o internim kontrolama, što do okončanja predmetne revizije navedeno nije urađeno;
- 2) Na implementaciji Pravilnika o načinu evidentiranja i kontroli prometa naftnih derivata putem ugrađene opreme na benzinskim pumpama u FBiH u Ministarstvu se kontinuirano radi;
- 3) Kontinuirano se analiziraju očekivane koristi i efekti realizacije projekata iz nadležnosti Ministarstva;
- 4) Plan javnih nabavki donesen je u februaru 2016. godine, ali ugovori sa izabranim dobavljačima su zaključeni krajem drugog kvartala 2016. godine, tako da su se nabavke do zaključenje ugovora obavljale po ugovorima iz 2013. godine.

### **Nerealizovana preporuka je:**

1. Preispitati opravdanost formiranja i plaćanja naknada komisijama, koje se finansiraju iz budžeta i za koje članovi, uposlenici Ministarstva, ostvaruju pravo na naknadu, u cilju ukidanja istih, a obračun pripadajućih poreza i doprinosa na naknade za rad u komisijama vršiti u skladu sa važećim zakonskim i ostalim važećim propisima.

## **4. SISTEM INTERNIH KONTROLA**

### **Sistem internih kontrola**

Radi ostvarenja programskih ciljeva rada, menadžment je odgovoran za uspostavljanje funkcionalnog sistema interne kontrole u cilju ekonomičnog, efikasnog i efektivnog trošenja javnih sredstava. Faktor koji najviše utiče na funkcionalnost istog je povoljno kontrolno okruženje koje prvenstveno dolazi do izražaja kroz organizacionu strukturu, način rukovođenja i poštivanje postojećih zakonskih propisa.

Ministarstvo je usvojilo značajan broj internih akata i procedura u cilju uspostavljanja sistema internih kontrola. Pravilnikom o unutrašnjoj organizaciji Ministarstva, uređen je način rada i rukovođenja, kao i opis radnih mjesta za obavljanje poslova i zadataka sa definisanim ovlaštenjima i odgovornostima zaposlenih. U 2016. godini pokrenute su aktivnosti na izmjeni ovog pravilnika, ali iste nisu okončane, zbog Saopštenja Ustavnog suda FBiH kojim se privremeno obustavlja primjena izmjena Zakona o državnoj službi, kao i primjena svih podzakonskih propisa i akata koji su doneseni u skladu sa izmjenama navedenog Zakona. U decembru 2016. godine Ustavni sud je donio Presudu kojom je utvrđeno da Zakon o izmjenama i dopunama Zakona o državnoj službi u FBiH nije u skladu sa Ustavom FBiH, čime je prestala njegova primjena.

Pravilnikom o internoj kontroli regulisani su procesi odobravanja troškova, planiranje, donošenje i izvršenje budžeta, način vršenja računovodstvene i finansijske kontrole i aktivnosti kontrole javnih nabavki, ali istim nisu obuhvaćene kontrolne aktivnosti koje se odnose se na poslove u: Sektoru za vanjsku trgovinu, Sektoru za unutrašnju trgovinu, cijene, analizu i razvoj tržišta i Službi za zaštitu potrošača. Takođe nije izvršena procjena rizika i utvrđene mjere za sprečavanje neželjenih dešavanja, te nadzor i monitoring

Zakon o finansijskom upravljanju i kontroli u javnom sektoru u Federaciji BiH<sup>3</sup>, donesen je 18.05.2016.godine, a Pravilnik o provođenju istog u januaru 2017.godine. U skladu sa navedenim Pravilnikom u roku od 90 dana od dana stupanja na snagu istog, budžetski korisnici trebaju imenovati koordinatore za finansijsko upravljanje i kontrolu.

Naši nalazi, vezano za interne kontrole ukazuju da isti nije zadovoljavajući u dijelu pravovremenog pokretanja postupaka javne nabavke i praćenje zaključenih ugovora za isporučene robe utvrđenih u

---

<sup>3</sup> „Sl. novine FBiH“ br. 38/16

specifikacijama prihvaćenih ponuda u skladu sa Zakonom o javnim nabavkama (nabavka goriva i kancelarijskog materijala); zaključivanja ugovora o djelu za poslove koji su utvrđeni Pravilnikom o unutrašnjoj organizaciji i sistematizaciji radnih mjesta i predstavljaju redovne poslove i opravdanost formiranje komisija i plaćanje naknada za rad istima za poslove iz redovne nadležnosti Ministarstva.

**Izjava o fiskalnoj odgovornosti** je sačinjena i dostavljena Federalnom ministarstvu finansija u skladu sa članom 2. i 6. Pravilnika o obliku i sadržaju, načinu popunjavanja i predaje izjave o fiskalnoj odgovornosti.

### **Interna revizija**

Internu reviziju Ministarstva u skladu sa kriterijima iz Pravilnika o internoj reviziji budžetskih korisnika provodi Federalno ministarstvo finansija. U toku 2016.godine Federalno ministarstvo finansija nije vršilo reviziju ovoga Ministarstva.

#### **Preporuka:**

- ***Poduzeti aktivnosti na uspostavljanju odgovarajućeg sistema finansijskog upravljanja i kontrole i donošenja internih propisa u skladu sa Zakonom o finansijskom upravljanju i kontroli u javnom sektoru u FBiH i drugim propisima, u cilju jačanja internih kontrola i otklanjanja utvrđenih nepravilnosti.***

## **5. OBAVLJANJE POSLOVA IZ NADLEŽNOSTI**

U skladu sa Zakonom o kontroli cijena<sup>4</sup> u Federaciji BiH, kantonima, gradovima i općinama određuju se organi za poslove cijena čije se nadležnosti utvrđuju ovim Zakonom i drugim propisima. Organi za poslove cijena, između ostalog prate i analiziraju kretanje cijena, djelovanje mjera ekonomske politike i djelovanje mjera neposredne kontrole cijena na nivoe i odnose cijena, provođenje ekonomske politike u oblasti cijena, prate i analiziraju uticaj cijena na odnose u stjecanju u raspodjeli dobiti i stabilnosti tržišta. Ovi organi u okviru svoje nadležnosti određuju proizvode i usluge za koje su im pravna i fizička lica dužna dostavljati obavještenje o promjeni cijena. Vlada FBiH je u maju 2009. godine donijela Odluku o mjerama neposredne kontrole cijena određenih proizvoda i usluga od interesa za FBiH<sup>5</sup>, u skladu sa kojom su privredni subjekti dužni Federalnom ministarstvu trgovine dostavljati obavještenje o promjeni cijena i marži na malo, između ostaloga i za pogonska motorna goriva sa unutrašnjim sagorijevanjem i ulje za loženje, čiji se promet vrši u maloprodajnim objektima (benzinskim pumpama). Federalni ministar trgovine u junu iste godine propisao je Uputstvo o načinu, sadržaju i rokovima dostave obavještenja o promjeni cijena i marži pojedinih proizvoda i usluga. Sastavni dio Uputstva je i Obrazac o promjeni cijena u maloprodaji (OPC).

**Tokom obavljanja revizija uočili smo, da se prilikom fakturisanja iste vrste pogonskog motornog goriva, isporučene isti dan, na različitim benzinskim pumpama, od jednog te istog dobavljača fakturišu različite cijene (razlika do 0,05 KM po litri goriva). Bez obzira što navedeno nije u suprotnosti sa važećim zakonskim propisima, kao i uvažavajući činjenicu slobodnog formiranja cijena i poslovnu politiku privrednih subjekata koji se bave distribucijom pogonskog goriva, ukazujemo na ovu pojavu i eventualnu potrebu preispitivanja važećih zakonskih propisa u cilju zaštite potrošača, što je između ostalog i nadležnost ovoga Ministarstva**

## **6. PLANIRANJE, DONOŠENJE BUDŽETA I IZVJEŠTAVANJE**

U zakonskom roku Ministarstvo je dostavilo Federalnom ministarstvu finansija budžetski zahtjev za 2016. godinu na iznos od 1.596.333 KM.

Budžetom FBiH za 2016. godinu<sup>6</sup> odobrena su sredstva u iznosu od 1.588.455, KM, dok je krajnjim izmjenama i dopunama budžeta i preraspodjelama odobren budžet u iznosu od 1.453.371 KM.

<sup>4</sup> „Sl. novine FBiH 2/95, 70/08

<sup>5</sup> „Sl. novine FBiH 34/09

<sup>6</sup> „Sl. novine FBiH“ 102/15



Ministarstvo je 29.12.2016.godine izvršilo preraspodjelu sredstava odobrenog budžeta, po odluci Federalnog ministarstva finansija, kojom su umanjeni izdaci za komunikaciju i komunalne usluge u iznosu 1.700 KM, a za isti iznos povećane su ugovorene i druge posebne usluge.

Godišnjim planom i programom Ministarstva, planirane su i aktivnosti vezane za stvaranje okvira u cilju poboljšanja, pojednostavljivanja i unaprjeđenja uslova za obavljanje trgovine, poboljšanje efikasnosti u oblasti vanjskotrgovinskog poslovanja i stvaranja povoljnog okruženja za strana ulaganja, regulaciju tržišta cijena i prometa naftnih derivata u cilju onemogućavanja sive ekonomije, povećanje kontrole prometa naftnih derivata u FBiH, praćenje cijena na domaćem i inostranom tržištu i određivanje mjera kontrole u slučaju velikih odstupanja i razvoj institucionalnog okvira legistlative i unaprjeđenja zaštite prava i ekonomskih interesa potrošača. U cilju provođenja navedenog planirana je i izrada tri nacrti zakona i donošenja većeg broja podzakonskih akata za postojeće zakone.

Izvještaj o realizaciji Godišnjeg plana i programa rada Ministarstva za 2016. godinu dostavljen je u januaru 2017. godine Federalnom zavodu za programiranje razvoja. U skladu sa članom 22. Uredbe o planiranju o radu Vlade FBiH, federalnih ministarstva i institucija<sup>7</sup> godišnji izvještaj o radu, federalna ministarstva dostavljaju Generalnom sekretarijatu Vlade FBiH. Strateški ciljevi vezani za izradu nacrti zakona i podzakonskih akata, kao i poboljšanje efikasnosti u oblasti vanjskotrgovinskog poslovanja, povećanje izvoza i jačanje domaće privrede nisu u potpunosti realizovani. Navedeno naglašavamo jer su za isto planirani rokovi izvršenja, nosioci aktivnosti i potrebna sredstva za realizaciju.

Godišnji računovodstveni izvještaj za 2016. godinu Ministarstvo je sačinilo i dostavilo nadležnim organima i institucijama u skladu sa važećim propisima i u utvrđenom roku. Uz Godišnji izvještaj je sačinjen i tekstualni dio u kojem su data pojašnjenja za pojedine pozicije izdataka iz Izvještaja.

### **Preporuka:**

- ***Osigurati da se planirane aktivnosti i realizuju, uvažavajući nosioce aktivnosti, planirane rokove i potrebna sredstva za realizaciju istih, u skladu sa važećim propisima.***

## **7. FINANSIJSKI IZVJEŠTAJI**

### **7.1 GODIŠNJI IZVJEŠTAJ O IZVRŠENJU BUDŽETA**

#### **7.1.1 Rashodi, izdaci i finansiranje**

U Godišnjem izvještaju o izvršenju budžeta za 2016. godinu, iskazani su rashodi i izdaci u iznosu od 1.379.316 KM, što u odnosu na operativni budžet od 1.453.371 KM predstavlja ostvarenje od 95%.

Strukturu rashoda i izdataka najvećim dijelom čine plate, naknade i doprinosi (52%) i izdaci za materijal i usluge (41%). Ostali dio izdataka odnosi se na transfere i kapitalne izdatke.

##### **7.1.1.1 Plaće i naknade troškova zaposlenih**

Bruto plaće, naknade plaća i doprinosi poslodavca sa 31.12.2016. godine iskazani su u iznosu od 851.006 KM, a isti su u odnosu na prethodnu godinu manji za 37.377 KM. Obračun plaća i naknada vrši se u skladu sa Zakonskim i drugim propisima i internim aktima.

Ukupno ostvarene naknade troškova zaposlenih ostvarene su u iznosu od 139.049 KM, što je u odnosu na prethodnu godinu manje za 36.773 KM. Ove naknade se odnose na topli obrok, prevoz, regres za godišnji odmor, jednokratne novčane pomoći i jubilarne nagrade zaposlenim.

Ocjenjivanje državnih službenika i namještenika izvršenu je u skladu sa važećim propisima.

Isplate naknada vršene su u skladu sa podzakonskim aktima koji regulišu pojedine vrste naknada i nisu utvrđene nepravilnosti.

---

<sup>7</sup> Sl. novine FBiH 89/14



### 7.1.1.2 Izdaci za materijal, sitan inventar i usluge

Izdaci za materijal, sitan inventar i usluge iskazani su u iznosu od 256.059 KM, što predstavlja 19 % ukupnih rashoda i izdataka Ministarstva. Najveći dio ovih izdataka odnosi se na: ugovorene i druge posebne usluge (151.441 KM), izdatke za komunikaciju i komunalne usluge (33.181 KM), putne troškove (19.701 KM), nabavku materijala i sitnog inventara (16.866 KM) i izdatke za tekuće održavanje (15.617 KM).

U okviru ugovorenih i drugih posebnih usluga na ime naknada za rad u komisijama isplaćeno je neto 27.090 KM (bruto 33.371 KM) i ugovora o djelu neto 22.881 KM (bruto 27.021 KM).

Po osnovu ugovora o djelu angažovana su tri vanjska saradnika na osnovu Zaključka Vlade FBiH iz januara 2016.godine, kojim je Federalnom ministarstvu trgovine data saglasnost za zaključivanje istih. Prema Zaključku vanjski saradnici će se angažovati zbog neophodnog obavljanja neodložnih stručnih poslova pravne struke za potrebe Ministarstva, na period u kojem za njihovim obavljanjem postoji potreba iz razloga nedostatka državnih službenika pravne struke i zbog potrebe trenutne kadrovske problematike. Isti su angažovani u Sektoru unutrašnje trgovine, na izradi zakona i pravilnika o unutrašnjoj trgovini i u Službi za opće i pravne poslove i Sektoru vanjske trgovine. Navedeni poslovi utvrđeni su Pravilnikom o unutrašnjoj organizaciji i sistematizaciji, ali isti nisu popunjeni. Ugovor o angažmanu pravnika za rad u Sektoru unutrašnje trgovine zaključivan je u tri navrata u toku godine i to: od 15.02.-15.05.2016; 01.06.-31.08.2016 i 15. 09.-15. 12.2016.godine, a za angažman pravnika u Sektoru vanjske trgovine u dva navrata i to od 11.07.-11.10.2016. i 17.10.-13.12.2016. godine. Ostali ugovori o djelu zaključivani su za angažman u Komisiji za polaganje stručnog špediterskog ispita i Komisiji za ispitivanje uslova za ugradnju AMN opreme na benzinskim pumpama, što je regulisano posebnim propisima.

Naknade za rad u komisijama odnose se na naknade članovima u Komisiji za praćenje cijena (odluka Vlade FBiH iz 2010.godine), Komisiji za utvrđivanje ispunjavanja uslova za kontrolu kvaliteta proizvoda (Zakon o kontroli kvaliteta određenih proizvoda pri uvozu i izvozu<sup>8</sup>), Komisiji za popis bezvrijedne i arhivske registraturne građe (Zakon o arhivskoj građi<sup>9</sup>), Komisiji za polaganje stručnog ispita za radnike međunarodnog otpremništva-špedicije u vezi sa carinjenjem robe Ministarstva (Pravilnik o stručnom ispitu za djelatnike koji obavljaju poslove međunarodnog otpremništva u vezi sa carinjenjem robe<sup>10</sup>), Komisiji za postupak ispitivanja uslova koje moraju ispunjavati privredna društva za ugradnju i održavanje mjernih uređaja na BPS u FBiH (Pravilnik o načinu evidentiranja i kontrole prometa naftnih derivata putem ugrađene opreme na benzinskim pumpama u FBiH<sup>11</sup>), Komisiji za izbor državnih službenika u Federalnom ministarstvu trgovine (Zakon o organizaciji organa uprave u FBiH<sup>12</sup>) Komisiji za provedbu postupka javnih nabavki, Komisiji za provođenje postupka izbora kandidata za članove konkurencijskog vjeća BiH iz FBiH i Komisije za popis stalnih sredstava, sitnog inventara, blagajne, potraživanja i obaveza (dvije komisije). Od ukupnih naknada za rad u komisijama na isplate vanjskim saradnicima odnosi se 5.800 KM. Na isplate za naknade članovima komisija koje su formirane po posebnim propisima odnosi se 22.090 KM, dok je po osnovu Uredbe o načinu obrazovanja i visini naknade za rad radnih tjela osnovanih od strane Vlade FBiH i rukovodioca federalnih organa državne službe<sup>13</sup> isplaćeno 5.000 KM.

Bez obzira što su se naknade članovima komisija isplaćivale na osnovu Uredbe o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovodilaca federalnih organa državne službe i činjenice da su većina istih zaposleni u Ministarstvu, skrećemo pažnju na opravdanost obračuna i isplate naknada, jer se u većini slučajeva kada su u pitanju komisijski poslovi radi o poslovima koji su u nadležnosti Ministarstva. Obračun i isplata naknada nije imao tretman plaće, kako je to propisano odredbama Zakona o porezu na dohodak. Naknade koje poslodavac isplaćuje zaposleniku za njegovo angažiranje na poslovima koji imaju karakteristike nesamostalne djelatnosti ili pretežno nesamostalne djelatnosti, bilo da se izvršavaju u radno vrijeme ili izvan redovnog radnog vremena smatraju se oporezivim prihodom po osnovu nesamostalne

<sup>8</sup> „Sl. novine FBiH“ 21/97

<sup>9</sup> „Sl. novine FBiH“ 45/02

<sup>10</sup> „Sl. novine FBiH“ 02/01

<sup>11</sup> „Sl. novine FBiH“ 84/11

<sup>12</sup> „Sl. novine FBiH“ 82/09

<sup>13</sup> „Sl. novine FBiH“ 48/14, 77/14, 97/14 i 58/15



djelatnosti iz člana 10. stava 2. tačka 3. Zakona o porezu na dohodak i oporezuju se na način propisan članom 27. istog Zakona i člana 6.a. Zakona o doprinosima i člana 2. Pravilnika o načinu obračunavanja i uplate doprinosa. U skladu sa navedenim oporezuju se i naknade koje poslodavac isplaćuje zaposleniku za njegovo angažovanje u raznim komisijama.

U okviru izdataka za ugovorene i druge posebne usluge iskazano je 38.233 KM i odnosi se na harverdske usluge, koje su u odnosu na prethodnu godinu manje za 34.171 KM. Navedeni izdaci najvećim dijelom (35.810 KM) odnose se na održavanje i tehničku podršku računskog sistema za nadzor i kontrolu prometa naftnih derivata na benzinskim pumpama, koji je smješten u Ministarstvu, a po ugovoru zaključenom u 2016.godini. Na svim benzinskim pumpama, ugrađena je mjerna oprema u skladu sa Pravilnikom o načinu evidentiranja i kontroli prometa naftnih derivata putem ugrađene opreme na benzinskim pumpama u FBiH<sup>14</sup>. Aplikativni softver za evidentiranje i kontrolu prometa naftnih derivata putem ugrađene opreme na benzinskim pumpama omogućava korištenje podataka i razmjenu informacija sa nadležnim institucijama u cilju sprečavanju sive ekonomije i eventualnih prevara vezanih za promet nafte i naftnih derivata. U tu svrhu potpisan je Protokol o korištenju iz Informacionog sistema nadzora i kontrole prometa naftnih derivata, kojim se između ostalog propisan pravni okvir o korištenju podataka, pristup i povezivanje sa serverom Ministarstva. Potpisnici protokola sa Ministarstvom su: Porezna uprava FBiH (12.07.2012. godine); Federalna uprava za inspekcijske poslove (11.10.2012. godine); Uprava za indirektno oporezivanje (19.07.2013. godine); Agencija za vodno područje rijeke Save (14.05.2014. godine); Agencija za vodno područje Jadranskog mora (18.07.2014. godine) i Federalno ministarstvo energije, rudarstva i industrije (17.11.2014. godine).

**Iz prezentirane dokumentacije koja se odnosi na korištenje i razmjenu podataka iz baze Informacionog sistema, utvrđeno je da pojedini potpisnici Protokola, bez obzira i na Zaključak Vlade FBiH iz 2015.godine, kojim su obavezani na korištenju i razmjenu podataka iz Informacionog sistema, kako bi se utvrdili efekti, u cilju povećanja naplate prihoda, smanjenja sive ekonomije u prometu nafte i naftnih derivata i izrada bilansa energetskih potreba u FBiH ne koriste iste u dovoljnoj mjeri.**

Ministarstvo kontinuirano prati korištenje sistema i obavještava potpisnike Protokola na razmjenu potrebnih informacija. Federalna uprava za inspekcijske poslove kontrolira mjerne sisteme i redovno izvještava o izvršenim kontrolama inspekcijskog nadzora i izrečenim novčanim kaznama, ali ne i naplaćenim iznosima.

#### **Preporuke:**

- **Preispitati opravdanost plaćanja naknada komisijama, koje se finansiraju iz budžeta i za koje članovi, uposlenici Ministarstva, ostvaruju pravo na naknadu, a obračun pripadajućih poreza i doprinosa na naknade za rad u komisijama vršiti u skladu sa važećim zakonskim i ostalim propisima;**
- **Potrebno je preispitati opravdanost zaključenih ugovora o djelu za poslove koji su utvrđeni Pravilnikom o unutrašnjoj organizaciji i sistematizaciji i odnose se na redovne poslove;**
- **Nastaviti aktivnosti da svi potpisnici Protokola koriste podatke iz informacionog sistema, u skladu sa nadležnostima i ovlaštenjima, a koji se odnose na kontrolu prometa nafte i naftnih derivata, u cilju otkrivanja i onemogućavanja sive ekonomije i utvrđivanja stvarnih efekata u odnosu na uložena sredstva.**

#### 7.1.1.3 Tekući transferi i drugi tekući rashodi

Tekući transferi iskazani su 130.338 KM, što je 9% ukupnih rashoda. Navedeni transferi se odnose na izmirenje sudskih presuda za tužbe iz radnog odnosa zaposlenih u Ministarstvu u iznosu od 60.338 KM i Transferi neprofitnim organizacijama – potpora udruženjima potrošača u iznosu od 70.000 KM.

Potpore udruženjima odnosi se na potpore: za rad i jačanje kapaciteta Udruženja potrošača (27.516 KM), informacije i savjetovanje potrošača (38.417 KM) i upoznavanje potrošača sa zakonodavnim i institucionalnim okvirom za zaštitu potrošačkih prava (4.067 KM). Pravni osnov za predlaganje

<sup>14</sup> „Sl. novine FBiH“ 84/11 i 39/12



navedenog transfera je Zakon o zaštiti potrošača BiH <sup>15</sup>, Državni godišnji program zaštite potrošača BiH i Godišnji program rada Ministarstva. U provođenju Godišnjeg plana je i davanje podrške radu i razvoju udruženja potrošača u cilju podrške na podizanju javne svijesti o pravima potrošača, jačanju kapaciteta udruženja potrošača, unaprjeđenje informisanosti i edukacije potrošača i povećanje nivoa zaštite potrošača putem organizovanog savjetovanja u konkretnim potrošačkim problemima. Odluku o usvajanju programa utroška sredstava „Tekući transferi neprofitnim organizacijama – potpora udruženjima potrošača“ utvrđenog Budžetom FBiH za 2016. godinu Federalnom ministarstvu trgovine, u skladu sa kriterijima i postupku finansiranja neprofitnih organizacija – udruženja potrošača na prijedlog Ministarstva donijela je Vlada FBiH 22.04.2016.godine. Ministar je imenovao Komisiju za izbor korisnika sredstava tekućih transfera nakon čega je objavljen Javni poziv. Poslije provedene procedure, izvršeno je bodovanje i Komisija je predložila Ministru udruženja, koja ispunjavaju tražene uslove. Odluku o raspodjeli sredstva „Tekući transferi neprofitnim organizacijama – potpora udruženjima potrošača“ u 2016. godini Ministar je donio 25.07.2016. godine. Sa izabranim korisnicima zaključeni su ugovori o implementaciji odobrenih sredstva i ista su im doznačena 03.10.2016. i 28.12.2016. godine. Obzirom da se kontinuirano kasni sa doznakom sredstva krajnjim korisnicima, Ministarstvo je 09.12.2016 godine dostavilo Vladi FBiH Informaciju o učinku podrške udruženjima potrošača u Federaciji BiH u 2015. godini, koju je Vlada 11.12.2016. godine Zaključkom i usvojila.

Nisu utvrđene nepravilnosti kod dodjele sredstva.

#### 7.1.1.4 Izdaci za nabavku stalnih sredstava

Izdaci za nabavku stalnih sredstava realizovani su u iznosu 2.865 KM i odnosi se na nabavku kompjuterske opreme.

## 7.2 BILANS STANJA

### 7.2.1 Kratkoročna potraživanja, razgraničenja i zalihe

Kratkoročna potraživanja iskazana su u iznosu 1.517 KM (potraživanja za bolovanje preko 42 dana) i sumnjiva i sporna potraživanja od 78.075 KM (potraživanja od Hercegovačke banke).

### 7.2.2 Stalna sredstva

Na dan 31.12.2016. godine stalna sredstva sadašnje vrijednosti iskazana su 81.399 KM. U okviru istih su Studije izvodljivosti (stalna sredstva u obliku prava) čija sadašnja vrijednost iznosi 9.945 KM (nabavna vrijednost 418.177 KM, ispravka vrijednosti 408.232 KM) i koja se odnosi na softver za nadzor i kontrolu prometa naftnih derivata na benzinskim pumpama u Federaciji BiH.

### 7.2.3 Kratkoročne obaveze

Kratkoročne obaveze iskazane su u iznosu 128.013 KM i najvećim dijelom se odnose na obaveze prema dobavljačima i obaveze prema radnicima (plaće, porezi i doprinosi) za decembar 2016.godine.

## 8. JAVNE NABAVKE

Ministarstvo je Plan javnih nabavki za 2016. godinu donijelo u februaru 2016.godine i dvije izmjene istog i to u julu i septembru 2016.godine. Provedeno deset postupaka javne nabavke i to: šest direktnih sporazuma i četiri konkurentska.

Po direktnom sporazumu zaključeni su ugovori u ukupnom iznosu od 13.802 KM i odnose se na nabavku hard diska, skenera, računске opreme, torbi za laptove, usluga održavanja računске i druge tehničke opreme i osiguranja vozila i uposlenih. Po provedenim konkurentskim zahtjevima zaključena

<sup>15</sup> Sl. glasnik BiH 25/06 i 88/15



su četiri ugovora na iznos od 55.288 KM, a to su održavanje harverdske opreme, sistemskog softvera i računskog sistema za nadzor i kontrolu prometa na benzinskim pumpama; održavanje putničkih motornih vozila; nabavku kancelarijskog materijala, tonera i sitnog inventara i nabavku goriva.

**Postupci nabavke usluga održavanja putničkih motornih vozila, nabavke kancelarijskog materijala, tonera i sitnog inventara i nabavke goriva u ukupnom iznosu od 20.701 KM (bez PDV-a) pokrenuti su 14.04.2016.godine, a ugovori su zaključeni krajem juna ili početkom jula iste godine. Do zaključenja ovih ugovora nabavke su se obavljale po ugovorima iz 2013.godine, koji su istekli u 2014. godini. Ovakav način ugovaranja nije u skladu sa Zakonom o javnim nabavkama i zakonom o budžetima obzirom da ugovori prelaze u narednu fiskalnu godini i terete budžet budućeg perioda.**

Za nabavku goriva, kao što je navedeno proveden je konkurentski postupak, na koji su pristigle tri ponude. Najprihvatljivija ponuda odabrana je po kriteriju „najniža cijena tehnički zadovoljavajuće ponude“. Izabran je ponuđač Hifa d.o.o. Tešanj, sa kojim je zaključen ugovor 02.07.2016. godine na iznos od 11.254 KM (sa PDV-om). Mjesto isporuke goriva je na benzinskim pumpama dobavljača u Mostaru i BiH, po cijeni iz ponude, koja će se mijenjati zavisno od kretanja cijene nafte na svjetkom tržištu. Međutim prilikom fakturisanja iste vrste goriva, isporučene isti dan na različitim benzinskim pumpama fakturisana je različita cijena, što nije u skladu sa naprijed navedenim ugovorom.

**Utvrđeno je da fakturisanje goriva nije u skladu sa zaključenim ugovorom u dijelu visine cijena isporučenog goriva, niti je u Ministarstvu osiguran adekvatna nadzor praćenja ugovorenih cijena goriva, a kod nabavke kancelarijskog materijala ugovorenih cijena, količina i vrste roba.**

**Preporuka:**

- *Osigurati pravovremeno pokretanje postupka javnih nabavki i praćenje zaključenih ugovora u skladu sa važećim zakonskim propisima.*

## 9. KOMENTAR

Federalno ministarstvo trgovine u ostavljenom roku se očitovalo, dopisom broj 01-14-442-1/17 od 17.05.2017. godine, na dostavljeni Nacrt Izvještaja o izvršenoj finansijskoj reviziji Federalnog ministarstva trgovine za 2016. godinu, kojim je isti prihvaćen bez komentara.

Rukovodilac Sektora za finansijsku reviziju:

Mirsada Janjoš, dipl. oec.

Tim za reviziju:

Mirsada Janjoš, dipl. oec.-Vođa tima

Vedran Zovko, dipl. oec. Član tima



**IV PRILOG  
GODIŠNJI FINANSIJSKI IZVJEŠTAJI**



Godišnji izvještaj o izvršenju budžeta za 2016. godinu					
Naziv institucije: Federalno ministarstvo trgovine					
Opis	Planirano	Ostvareno		Odstupanje (3-2)	Procenat (3/2x100)
		U tekućoj godini	U prethodnoj godini		
1	2	3	4	5	6
<b>I. PRIHODI</b>	<b>1.453.371</b>	<b>1.453.371</b>	<b>1.380.366</b>	<b>0</b>	<b>100,0</b>
<b>PRIHODI OD POREZA (1+2+3+4+5+6+7+8)</b>	<b>1.453.371</b>	<b>1.453.371</b>	<b>1.380.366</b>	<b>0</b>	<b>100,0</b>
<b>1. Porez na dobit pojedinca i preduzeća</b>					
Porezi na dobit pojedinaca (zaostale uplate poreza)					
Porezi na dobit preduzeća					
Porez na dobit banaka i drugih finansijskih organizacija i društava za osiguranje i reosiguranje imovine i lica, pravnih lica iz oblasti elektroprivrede pošte i telekomunikacija i pravnih lica iz oblasti igara na sreću i ostalih preduzeća					
<b>2. Doprinosi za socijalnu zaštitu</b>					
<b>3. Porezi na plaću i radnu snagu</b>					
<b>4. Porez na imovinu</b>					
<b>5. Domaći porezi na dobra i usluge</b>					
<b>6. Porez na dohodak</b>					
<b>7. Prihodi od indirektnih poreza</b>	<b>1.453.371</b>	<b>1.453.371</b>	<b>1.380.366</b>	<b>0</b>	<b>100,0</b>
<b>8. Ostali porezi</b>					
<b>NEPOREZNI PRIHODI (9+10)</b>					
<b>9. Prihodi od poduzetničkih aktivnosti i imovine i prihodi od pozitivnih kursnih razlika</b>					
Prihodi od nefinansijskih javnih preduzeća i finansijskih javnih institucija					
Ostali prihodi od imovine					
Kamate i dividende primljene od pozajmica i učešća u kapitalu					
Naknade primljene od pozajmica i učešća u kapitalu					
Prihodi od pozitivnih kursnih razlika					
Prihodi od privatizacije					
Prihodi po osnovu premije i provizije za izdatu garanciju					
<b>10. Naknade, takse i prihodi od pružanja javnih usluga, kazne i drugi prihodi</b>					
Administrativne takse					
Sudske takse					
Komunalne naknade i takse					
Ostale budžetske naknade i takse					
Naknade i takse po federalnim zakonima i drugim propisima					
Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)					
Neplanirane uplate –prihodi					
Novčane kazne					
Drugi tekući prihodi					
<b>PRIMLJENI TRANSFERI I DONACIJE (od 11 do 16)</b>					
<b>11. Primljeni tekući transferi od inostranih vlada i međunarodnih organizacija</b>					
<b>12. Primljeni tekući transferi od ostalih nivoa vlasti</b>					
<b>13. Primljeni kapitalni transferi od inostranih vlada</b>					
<b>14. Kapitalni transferi od ostalih nivoa vlasti i fondova</b>					
<b>15. Kapitalni transferi iz nevladinih izvora</b>					
<b>16. Donacije</b>					
<b>II. RASHODI (od 1 do 7)</b>	<b>1.450.321</b>	<b>1.376.452</b>	<b>1.311.588</b>	<b>-73.869</b>	<b>94,9</b>

<b>1.</b>	<b>Plaće i naknade troškova zaposlenih</b>	<b>960.145</b>	<b>908.890</b>	<b>905.877</b>	<b>-51.255</b>	<b>94,7</b>
	Bruto plaće i naknade plaća	816.518	769.841	803.601	-46.677	94,3
	Naknade troškova zaposlenih	143.627	139.049	102.276	-4.578	96,8
<b>2.</b>	<b>Doprinosi poslodavca i ostali doprinosi</b>	<b>85.734</b>	<b>81.165</b>	<b>84.782</b>	<b>-4.569</b>	<b>94,7</b>
<b>3.</b>	<b>Izdaci za materijal, sitan inventar i usluge</b>	<b>274.104</b>	<b>256.059</b>	<b>226.929</b>	<b>-18.045</b>	<b>93,4</b>
	Putni troškovi	22.650	19.701	22.606	-2.949	87,0
	Izdaci za energiju	0	0	0	0	
	Izdaci za komunikaciju i komunalne usluge	34.755	33.181	34.530	-1.574	95,5
	Nabavka materijala i sitnog inventara	16.893	16.867	15.709	-26	99,8
	Izdaci za usluge prevoza i goriva	17.353	14.584	14.757	-2.769	84,0
	Unajmljivanje imovine, opreme i nematerijalne imovine	0	0	0	0	
	Izdaci za tekuće održavanje	21.800	15.617	17.974	-6.183	71,6
	Izdaci osiguranja, bankarskih usluga i usluga platnog prometa	8.250	4.668	6.046	-3.582	56,6
	Ugovorene i druge posebne usluge	152.403	151.441	115.307	-962	99,4
<b>4.</b>	<b>Tekući transferi i drugi tekući rashodi</b>	<b>130.338</b>	<b>130.338</b>	<b>94.000</b>	<b>0</b>	<b>100,0</b>
	Tekući transferi drugim nivoima vlasti					
	Tekući transferi pojedincima					
	Tekući transferi neprofitnim organizacijama	70.000	70.000	70.000	0	100,0
	Subvencije javnim preduzećima			24.000	0	
	Subvencije privatnim preduzećima i poduzetnicima					
	Subvencije finansijskim institucijama					
	Tekući transferi u inostranstvo					
	Drugi tekući rashodi	60.338	60.338		0	100,0
<b>5.</b>	<b>Kapitalni transferi</b>					
	Kapitalni transferi drugim nivoima vlasti					
	Kapitalni transferi pojedincima					
	Kapitalni transferi neprofitnim organizacijama					
	Kapitalni transferi javnim preduzećima					
	Kapitalni transferi privatnim pred. i poduzetnicima					
	Kapitalni transferi finansijskim institucijama					
	Kapitalni transferi u inostranstvo					
<b>6.</b>	<b>Izdaci za kamate</b>					
	Kamate na pozajmice primljene kroz Državu					
	Izdaci za inostrane kamate					
	Kamate na domaće pozajmljivanje					
	Izdaci za kamate vezane za dug po izdanim garancijama					
<b>7.</b>	<b>Tekuća budžetska rezerva</b>					
	<b>TEKUĆI SUFICIT (TEKUĆI DEFICIT) (I-II)</b>	<b>3.050</b>	<b>76.919</b>	<b>68.778</b>	<b>73.869</b>	
	<b>III. TRANSAKCIJE U STALNIM SREDSTVIMA</b>					
<b>1.</b>	<b>Primici od prodaje stalnih sredstava</b>	<b>0</b>	<b>0</b>	<b>0</b>		
	Primici od prodaje stalnih sredstava					
	Primici od prodaje federalnih robnih rezervi					
	Ostali kapitalni primici					
<b>2.</b>	<b>Izdaci za nabavku stalnih sredstava</b>	<b>3.050</b>	<b>2.864</b>	<b>7.436</b>	<b>-186</b>	<b>93,9</b>
	Nabavka zemljišta, šuma i višegodišnjih zasada					
	Nabavka građevina					
	Nabavka opreme	3.050	2.864	7.436	-186	93,9
	Nabavka ostalih stalnih sredstava					
	Nabavka stalnih sredstava u obliku prava					
	Rekonstrukcija i investiciono održavanje					
	<b>NETO NABAVKA STALNIH SREDSTAVA (2.-1.)</b>	<b>3.050</b>	<b>2.864</b>	<b>7.436</b>	<b>-186</b>	<b>93,9</b>
	<b>A. NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (Tekući suficit/deficit – Neto nabavka stalnih sredstava)</b>	<b>0</b>	<b>74.055</b>	<b>61.342</b>	<b>74.055</b>	
	<b>IV. TRANSAKCIJE U FINANSIJSKOJ IMOVINI</b>					
<b>1.</b>	<b>Primici od finansijske imovine</b>					

	Primljene otplate od pozajmljivanja drugim nivoima vlasti					
	Primljene otplate od pozajmljivanja pojedincima i neprofitnim organizacijama					
	Primljene otplate od pozajmljivanja javnim preduzećima					
	Primitak sredstava po osnovu učešća u dionicama javnih preduzeća					
	Primitak sredstava po osnovu učešća u dionicama privatnih preduzeća i u zajedničkim ulaganjima					
	Primljene otplate od ostalih vidova domaćeg pozajmljivanja					
	Primljene otplate od pozajmljivanja u inostranstvo					
<b>2.</b>	<b>Izdaci za finansijsku imovinu</b>					
	Pozajmljivanje drugim nivoima vlasti					
	Pozajmljivanje pojedincima, neprofitnim organizacijama i privatnim preduzećima					
	Pozajmljivanje javnim preduzećima					
	Izdaci za kupovinu dionica javnih preduzeća					
	Izdaci za kupovinu dionica privatnih preduzeća i učešće u zajedničkim ulaganjima					
	Ostala domaća pozajmljivanja					
	Pozajmljivanje u inostranstvo					
	<b>B. NETO POVEĆANJE (SMANJENJE) FINANSIJSKE IMOVINE (1.-2.)</b>					
	<b>V. TRANSAKCIJE U FINANSIJSKIM OBAVEZAMA</b>					
<b>1.</b>	<b>Primici od zaduživanja</b>					
	<b>Primici od dugoročnog zaduživanja</b>					
	Zajmovi primljeni kroz Državu					
	Primici od inostranog zaduživanja					
	Primici od domaćeg zaduživanja					
	<b>Primici od kratkoročnog zaduživanja</b>					
	Zajmovi primljeni kroz Državu					
	Primici od inostranog zaduživanja					
	Primici od domaćeg zaduživanja					
<b>2.</b>	<b>Izdaci za otplate dugova</b>					
	Otplate dugova primljenih kroz Državu					
	Vanjske otplate					
	Otplate domaćeg pozajmljivanja					
	Otplate unutarnjeg duga					
	Otplate duga po izdatim garancijama					
	Otkup duga					
	<b>C. NETO ZADUŽIVANJE (NETO OTPLATE DUGOVA) (1.-2.)</b>					
	<b>UKUPAN FINANSIJSKI REZULTAT (A+B+C)</b>	<b>0</b>	<b>74.055</b>	<b>61.342</b>	<b>74.055</b>	

Rukovodstvo ministarstva je Godišnji izvještaj o izvršenju budžeta za 2016. godinu odobrilo dana 15.02.2017.godine

**Ministar**  
Zlatan Vujanović



Bilans stanja na dan 31.12.2016. godine			
Naziv institucije: Federalno ministarstvo trgovine			
Opis	31.12.20tg.	31.12.20pg.	Procenat (2/3)x100
1	2	3	4
<b>I AKTIVA</b>	<b>283.882</b>	<b>324.898</b>	<b>87,4</b>
<b>A. Gotovina, kratkoročna potraživanja, razgraničenja i zalihe (1+...+8)</b>	<b>202.484</b>	<b>202.660</b>	<b>99,9</b>
1.Novčana sredstva i plemeniti metali	770	2.101	36,6
2.Vrijednosni papiri			
3.Kratkoročna potraživanja	1.517	360	421,3
4.Kratkoročni plasmani	78.075	78.075	100,0
5.Financijski i obračunski odnosi s drugim povezanim jedinicama	122.122	122.124	100,0
6.Zalihe materijala i robe			
7.Zalihe sitnog inventara			
8.Kratkoročna razgraničenja			
<b>B. Stalna sredstva (11+14+17+18)</b>	<b>81.398</b>	<b>122.238</b>	<b>66,6</b>
9. Stalna sredstva	906.342	906.617	100,0
10.Ispravka vrijednosti stalnih sredstava	824.944	784.379	105,2
11.Neotpisana vrijednost stalnih sredstava (9-10)	81.398	122.238	66,6
12.Dugoročni plasmani	283.882	324.898	87,4
13.Ispravka vrijednosti dugoročnih plasmana	202.484	202.660	99,9
14.Neotpisana vrijednost dugoročnih plasmana (12-13)	770	2.101	36,6
15.Vrijednosni papiri			
16.Ispravka vrijednosti vrijednosnih papira			
17.Neotpisana vrijednost vrijednosnih papira (15-16)			
18.Dugoročna razgraničenja			
<b>UKUPNO AKTIVA (A+B)</b>	<b>283.882</b>	<b>324.898</b>	<b>87,4</b>
<b>II PASIVA</b>	<b>283.882</b>	<b>324.898</b>	<b>87,4</b>
<b>C. Kratkoročne obaveze i razgraničenja (19+...+24)</b>	<b>128.013</b>	<b>128.189</b>	<b>99,9</b>
19.Kratkoročne tekuće obaveze	51.147	50.354	101,6
20.Obaveze po osnovu vrijednosnih papira			
21.Kratkoročni krediti i zajmovi			
22.Obaveze prema zaposlenicima	76.866	77.835	98,8
23.Financijski i obračunski odnosi s drugim povezanim jedinicama			
24.Kratkoročna razgraničenja			
<b>D. Dugoročne obaveze i razgraničenja (25+26+27)</b>	<b>0</b>	<b>0</b>	
25.Dugoročni krediti i zajmovi			
26.Ostale dugoročne obaveze			
27.Dugoročna razgraničenja			
<b>E. Izvori stalnih sredstava (28+29+30+31-32)</b>	<b>155.869</b>	<b>196.709</b>	<b>79,2</b>
28.Izvori stalnih sredstava	81.399	122.238	66,6
29.Ostali izvori sredstava			
30.Izvori sredstava rezervi			
31.Neraspoređeni višak prihoda nad rashodima	74.471	74.471	100,0
32.Neraspoređeni višak rashoda nad приходima			
<b>UKUPNO PASIVA (C+D+E)</b>	<b>283.882</b>	<b>324.898</b>	<b>87,4</b>

Rukovodstvo ministarstva je Bilans stanja na dan 31.12 2016. godinu odobrilo dana 15.02.2017.godine

Ministar  
Zlatan Vujanović

